

I. N. 7.
DISPUTATIO MEDICA INAUGURALIS
DE
PALPITATIONE
CORDIS,

Quam
Consentiente Gratosiss. Facult. Medica
in Florentissima SALANA

SUB PRÆSIDIO
MAGNIFICI b. t. ACADEMIÆ RECTORIS
DN. RUDOLFI GVILIELMI
Krauß / Phil. & Med. Doctoris, Practicæ &
Chimiæ Profess. Publ. longè celeberrimi, Facult. Med.
Senioris gravissimi & S. R. I. Acad. Natur. Curios.

Colleg. Primarii,
Dn. Patroni & Promotoris sui æternum devenerandi,

PRO LICENTIA
summos in ARTE MEDICA consequendi
HONORES

Publico Eruditorum examini subicit
ETRUS Gille / Lasfenâ Pomeranus.

in Auditorio Majori
Ad d. Aug. hor. ante & pomeridianis.
ANNO M. DC. LXXXIV.

Typis KREBSIANIS.



Digitized by the Internet Archive
in 2019 with funding from
Wellcome Library

<https://archive.org/details/b30767064>

F. F.



Am jucunda ac svavis mihi semper vi-
la fuit cordis inspectio, ut quotiescun-
que licuit exercitiis anatomicis operam
dare, me in sui considerationem aut
potius admirationem nō semel traxe-
rit. Ut verò taceam structuram hujus visceris elegan-
tissimā, quis pulsum ejus continuum ac motum nun-
quam interruptum digna satis admiratione com-
plecti potest? Certè si unquam provida dici mere-
tur natura, in hoc sanè opere suam nobis commen-
dat curam; siquidem & in prima statim foetus for-
matione initium omnis motus cum puncto saliente
facit, & postmodum continuat eundem pulsum eti-
am nobis insciis & dormientibus, nec unquam de-
sinit, nisi mors ipsa finem vitæ fecerit. Patitur inte-
rim nobile hoc viscus prout alios morbos ita & ano-
maliam atque errorem in motu non levem, quan-
do is ipse præter naturam acceleratur in palpitatione
atq; tremore cordis. Hunc igitur morbum, præ cœ-
teris mihi examinandum hac vice & loco dissertatio-
nis Inauguralis potiora saltem de eo proponere

A 2

apud

apud animum constitui. Faxit Divinum Numen ut
hoc meum studium sub gratiosa ejus directione feli-
citer cedat. §. 1.

Proximum nimis foret, ac ab instituto hoc meo
alienum, si, quæ de usu cordis passim tradun-
tur, altius repetere, atque sub examen veritatis
vocare in animum induxissem. Quapropter
verum saltem ejus usum hîc perlustrasse satis erit, qui cer-
te non alius esse videtur, quam ut beneficio ejus sanguis
per universum corpus propellatur, & juxta circulationis
leges fluxu continuo dispensetur.

§. 2.

Hunc enim in finem canales sunt constructi satis
patentes, qui sanguinem è corde nunc excipiant affundant-
que partibus, nunc eundem ad Cor tanquam fontem redu-
cant. Illud officium accuratè observant arteriæ, non mo-
dò pulmonalis, quæ cruorem pulmonibus offert, sed im-
primis aorta cum suis ramificationibus per reliquum cor-
pus distributis, circulumque constituentibus majorem.
Hòc verò munere funguntur vena cava cum vena portæ
in majori circulo, in minore vena pulmonalis.

§. 3.

Deinde qui fabricam cordis paulo attentius perspe-
ctam habet, is fateri tenebitur, illam egregiè convenire
ad hunc usum præstandum. Præterquam enim, quod ista
firmè tota muscularis ac fibrosa deprehendatur, miran-
dum est insuper, adeò concinnè & eleganter has fibras in-
vicem contextas esse, ut quivis intelligere queat promptè,
quomodo cor dilatari & contrahi, sanguinemque recipere
atque iterum expellere valeat.

§. 4.

Plura non dicam de figura cordis conica; ventricu-
lis

lis ejus binis, septo intermedio, auricula dextra & sinistra;
de valvulis tricuspidalibus, sigmoideis, mitralibus & se-
milunaribus; arteriis pariter ac venis coronariis, quippe
quæ ex autopsia longè facilius peti possunt, quàm si verba
de iisdem facere hîc vellem.

§. 5.

Ad nervos potius progrediar, quorum propagines à
pari vago, quod olim sextum, hodiè octavum nominatur,
abscedentes, in cordis substantiam terminari observamus.
Præbent autem illi viam spiritibus, qua è cerebro liberè ad
cor progredientes id ipsum perenni suo affluxu in conti-
nuo vigore ac motu servant.

§. 6.

Nec verò credendum est à spiritu influo omnem
cordis motum absolvi, siquidem in prima statim animalis
conformatione, antequam ulla capitis ac cerebri vestigia
appareant, jam jam in puncto saliente primus inchoatur
cordis pulsus; itaque verosimilius est à spiritu inuito cor
moveri primario, at per spiritum influum continuò acce-
dentem hunc ipsum indefinenter juvari & corroborari in
eodem negotio.

§. 7.

Cumque duplex sit cordis actus, nempe sanguinem
recipere, & eundem rursus propellere, proinde duplex e-
tiam in corde motus observatur, diastole scilicet & Systole.
Systole quidem sive cordis contractio motus est magis pro-
priè dictus, in cujus gratiam structura hujus visceris fabre-
facta videtur. Diastole verò potius relaxatio fibrarum &
remissio à motu, non tamen sine motu est, ideoque hac
de causa ad pulsus quasi alteram partem referenda.

§. 8.

Sequitur autem cordis pulsus immediatè sanguinis
motus per universum corpus: Nimirum contracta auricu-

la dextra, sanguis è vena cava accedens in sinum cordis dextrum ob ejus diastolen necessario exprimitur: hinc facta cordis systole propter valvulas tricuspidales per arteriam pulmonalem in ipsam substantiam pulmonum pergit, ubi iterum, ne regurgitare possit, sigmoideæ interpositæ sunt valvulæ, adeoque per pulmones progreditur mediante vena pulmonali in sinistram auriculam, quæ nisu quodam iterum expellit sanguinem in apertum cordis ventriculum sinistrum, quo contracto, quia valvulæ mitrales refluxum iterum cohibent, effunditur in aortam, atque hinc per varias ejusdem ramificationes in poros partium donec inde receptus à venis iterum ad cor deferatur.

§. 9.

Itaque hic in mutua & contraria semper actione consistit cordis & auricularum motus, ubi scil. in statu naturali æqualiter sanguis per totum corpus movetur. Videlicet dum contrahuntur auriculæ, relaxantur fibræ cordis, contractis fibris cordis iterum panduntur auriculæ, ut hac ratione mutuas ita sibi porrigant manus, sanguinemque recipiant atque expellant, quo pacto cursus iste sanguinis nunquam interruptus servari possit.

§. 10.

Quod si verò anomalam quandam hæc invicem admittant, ita ut rhythmus ille cordis & auricularum minus sibi respondeant, ac diversimodè alterentur, tum quoque non unam pulsus differentiam in ægris notare licet. Sciendum tamen est, quoad pulsus frequentiam & gradus, notabiliter hos esse distinctos in subjectis, si ætatem ipsorum conferas. Etenim si carpum contrectes infantum, apprehendes pulsum frequentissimum, in decrepitis tardissimum, qui consistente gaudent ætate, in iis medio se habet modo. Proinde necessum est, quævis metiri suo modulo.

lo, ne fortassis quæ secundum naturam accidunt, pro præternaturali & morboſo habeantur ſtatu.

§. II.

Eadem eſt ratio habenda in iis, qui ſaltando currendo &c. corpus commovent, indeque pulſum experiuntur valdè acceleratum. Aſt ſicuti levis ejuſmodi error in motu non ſtatim morboſus dici poteſt, ita imprimis cauſa ejus notanda venit, an ſit interna quædam, an externa & cito tranſiens. Iſta quidem cum firmius irradicata ſit, medici curam poſtulat: hæc vero vix attenditur adeo, cum ſua ſpontè ruruſus evaneſcat.

§. 12.

Ubi vero Cordis motus in tantum acceleretur, atque ita vehemens ſit ut moleſtiam ægro non levem inferat, tum Palpitatio cordis dicitur. Sunt autem variæ ejusdem ſpecies, ſiquidem ratione temporis alia eſt continua, quæ nullâ interpoſita morâ ægrum continuo affligit; alia periodica, quæ per intervalla eundem vexat. Deinde quoad magnitudinem notandum, diverſos eſſe gradus hujus morbi, ita ut pro varietate cauſæ nunc major, nunc quoque minor obſervetur.

§. 13.

Sed fidem fermè ſuperare videtur, quod de Palpitatione Cordis ſcriptores referunt, quando eam adeo vehementem ſe obſervaffe teſtantur, ut extra parietes quoque conſtituti omnem pulſum exacte percipere potuerint, vid. *Chriſtoph. à Veiga l. 3. de art. med. c. 8.* Quinimò nec deſunt obſervationes effractarum inde coſtarum apud *Foreſt. l. 17. obſerv. 10. Angel. Viſtor. Conſil. 97. p. 450.* alioſque. Interim notatu dignæ ſunt hæc binæ hiſtoriæ, quas ab *Excell. D. Rivino, Præceptore meo fideliffimo & nunquam ſatis deſervendo, mihi relatas memini, nempe deprehendit is*
in

in pectore cujusdam ægri maculam ad magnitudinem Jo-
achimici valdè rubicundam, eo in loco, ubi cordis appul-
sum manu apposita observaverat, & quidem tum maxi-
mè, cum corpus quodammodo commoveretur, tunc e-
nim tantam fuisse dixit Palpitationis vehementiam ut ad-
stantes quoque haud obscure illam intellexerint. Alius
eodem in loco fractam sibi costam certò crediderat, ast
cum accuratius considerasset eminentiam costæ, viderat
non tam costam effractam, quam callum adnatum fuisse
juxta costæ cum sterni juncturam.

§. 14.

Paulo mitius hoc morbo tentantur alii, quando mo-
tum cordis inordinatum celeriore quam par est ac vehe-
mentiore patiuntur, attamen si hunc statum cum priore
conferas, manifestum erit, multum interesse discriminis,
quandoquidem nec tantà vehementia neque tanta mole-
stia ægros infestat, quali prioribus in casibus nonnullos ex-
cruciatos retuli.

§. 15.

Et quemadmodum in palpitatione varii dantur gra-
dus, ita nec malè tremor cordis ad eandem referri potest
præsertim cum palpitatio in tremorem abire soleat, cum
deficientes paulatim vires ne quidem sufficiunt ad cor ve-
hementius concutiendum. Sic enim imminentibus lipor-
thymiis: item post hæmorrhagias insigniores, in febribus
malignis talem Cordis tremorem notamus, aut etiam in
agonizantibus sub finem motuum convulsivorum.

§. 16.

Est enim revera Palpitatio cordis nihil aliud, quam
species motuum convulsivorum, quos vel spirituum com-
motio, vel sanguinis vitium, vel præternaturale quid cor
molestum producit. Etenim nunc immediate magis
pe

per essentiam cor afficitur, quatenus videlicet causa morbifica proximè illud attingit, nunc vero mediatè intercedentibus aliis partibus, quæ primariò læduntur, unde per consequens simul in consensum trahitur viscus illud nobile.

§. 17.

Manifestum hoc est in iis, qui scirrhus lienis vel hepatis laborant, siquidem iis nil frequentius est palpitatione cordis. Idem quoque malum experiuntur non raro hypochondriaci, & qui vitiosos in primis viis humores, imprimis pituitosos colligunt. Ab horum enim præsentia observatum est non semel, inflationem abdominis adeo ingentem fuisse secutam, ut postmodum palpitatione cordis insignior eundem quoque exceperit.

§. 18.

Nil dicam nunc de Uteri affectibus, quos non secus ac renum vitia sæpenumero comitari motum cordis inordinatum historiæ testantur. Quid? quod & ventriculus interdum malè constitutus in consensum traxisse ipsum cor & palpitationis causa extitisse legitur. Ac mirandum sanè est, adeo intimè convenire omnes corporis nostri partes, ut quanquam longius à se sint remotæ, nihilominus tamen mutuo consentiant, ut læsa una parte simul compatiatur altera, hincque ad varias inordinationes non raro compellatur.

§. 19.

Præterea quid ira valeat aut terror in excitanda palpitatione cordis, norunt isti, qui animi istiusmodi commotionibus nimium quantum indulgent, aut subito ob rem quandam visam vel auditam conterrentur. Et quemadmodum subitaneæ hæ alterationes multorum sæpenumero malorum autores existunt, imo motus plerumque

convulsivos inducunt, ita quoque non mirum est, quando iisdem supervenire cordis motum acceleratum & vehementiorem observamus.

§. 20.

Sic vitio sanguinis quoque contingit Palpitatio cordis, quando is ipse vel quantitate vel qualitate peccat. Illud accidere solet in Plethora, post suppressionē mensium, aut hæmorrhoidum, quibus dum commotio corporis aliqualis accedit, facilè Palpitatio oritur. Simile quid accidit in febribus ardentibus, ubi sanguis præter modum æstuans & ebulliens cordis motum diversimodè alterat & accelerat. Atque hoc præcipuè cacochymicis contingit & scorbuticis, quippe quorum sanguis salibus acrioribus scattens, dum cor continuo pungit ac vellicat, non potest non motus p.n. excitare.

§. 21.

Porrò de Polypo cordis non una prostat historia apud scriptores, Tulpium aliosque, illum in fectis quibusdam corporibus fuisse repertum, quæ antea dum viverent, insignem cordis molestiam ac Palpitationem sustinebant. Videtur autem hic ipse nil aliud esse, quam adiposa quædam substantia, quæ ex sanguine imprimis glutinoso producitur, atque in ejusmodi coagulum concreseit, quod dum columnis cordis adhæret, & per vasa ei vicina ducitur, viam simul sanguini transeunti ex parte intercipit. Hoc ipsum vero quoniam sibi molestum sentit natura continuo expellere annititur, cumque firmiores egerit radices, quam ut exturbari adeo facile possit, hinc valdè motus cordis interrumpitur, atque è statu naturali in præternaturalem abit.

§. 22.

Magnitudinem cordis excessivam hic etiam interdum

dum peccare, experientia non semel docuit in illis, qui obefioris paulo sunt constitutionis & pinguedinem copiosissimam cordi adnatam gerunt, à qua moles ejusdem non parum augeatur. Observarunt enim ab hujus pondere ingentem fuisse excitatam palpitationem, non secus ac de excrecentia cordis refert *Schenkius* (quam eidem exterius adhærentem in dissecto vidit cadavere) illam aliquando gravem intulisse pulsus inordinationem.

§. 23.

Neque hîc excludere vermes possum è numero accensu causarum, quæ immediatè cor affligunt, eidemque molestiam non levem irritando pariunt. Equidem non ita frequens est, vermes in corde natos palpitationem intulisse, nihilominus tamen apud *Brunnerum Conf. 38.* observatio quædam legitur, qua ipsemet testatur se vidisse aliquando insignem motus cordis anomaliam à vermibus inductam. Ostendunt autem præcipuè isti hostilem sui præsentiam rodendo & vellicando, quas morficationes & puncturas non rarò motus convulsivi sequuntur, interdum lipothymia, cum pallore & discoloratione faciei insigni.

§. 24.

Quæ de vermibus jam dicta sunt, eadem de *calculo*, quem in ventriculis cordis hærentem nonnulli annotarunt, quoque moneri possunt. Nec aliud postulant effatum *ossa & excrecentia cartilaginea*, quæ extendinosa cordis circa basin substantia nonnunquam enascuntur. Sed cum admodum sint insolentes hæ ipsæ causæ, & per rarò sub manum medici cadant, idcirco plura de illis verba haud faciam, præprimis cum non citius cognoscantur, quam ubi post mortem demum inspicere partem affectam & sic abdita detegere tandem vitia conceditur.

Supereſt ut aquæ Pericardii adhuc mentionem injiciam, cujus memorabile exemplum *Piſo in tract. de Colluvie ſeroſa* recenſet. Malo enim hoc perierat, qui ad libras aliquot ſeri in pericardio continebat. Quanquam verò à ſeri excedente copia plerumque excitari palpitati-
onem plurimi exiſtiment, nil impedit tamen quo minus & in peccantem qualitatem interdum referri cauſa poſſit, præſertim cum quantitas ſola non ſemper talem intuliſſe pulſus inordinationem viſa fuerit.

§. 26.

Poſtquam de cauſis actum, ordo nunc requirit, ut ad curam ipſam progreſſum hic faciam. Conſiſtit autem illa in eo, ut præternaturale & hoſtile iſtud, quod motum turbat naturalem & ordinatum, ac econtra inordinatum cordique moleſtum inducit, removeatur. Quapropter ante omnia diſpiciendum venit an per conſenſum afficiatur cor, an vero per eſſentiam id ipſum labore, ut hac ratione eo melius genuina cognoſci cauſa, atque huic poſtmodum conveniens adaptari remedium poſſit.

§. 27.

Itaque ſi lienis ſubſit vitium, ad duo potiffimum reſpiciendum, primò ad acrimoniam humorum, qua ratione ſcorbuticis adeò frequens hoc malum, ut vix quæquam offendere liceat, qui ab hoc ipſo penitus excludatur. Deinde ad viſciditatem eorundem attendendum, utpote quæ ſola obſtructionibus interdum generandis ſufficit. Illi medetur optimè \forall ea quævis ut mater perlarū, Corallia rubra, C.C. uſtum, ebur & alia, quæ abſorbendo ac præcipitando acrimoniam humorum emendare valent. Huic vero egregiè proſpiciunt incidentia & alias dicta aperientia. Rad. polypod. filicis, lamium fl. alb. cuſcuta,

cuscuta, chelidon. majus & quæ sunt similia, præsertim si cum evacuantibus eadem exhibeantur.

§. 28.

A malo hypochondriaco ubi enascitur Palpitatio, eo allaborandum præcipuè est, ut vitia humorum in primis viis enata corrigantur debite & evacuentur. Quod ut commodè procedat, attendenda imprimis est qualitas eorundem in primis viis delitescantium, ut rectè ordinari medicamina & è diametro qf. huic opponi possint. Sic interdum mira fecerunt ∇ ea non minus ac alcalia, interdum \ominus sa optima fuerunt, arcan. duplicat. ∇ us \oplus latus, \ominus *cum, non posthabitis interim purgantibus, si res ea postulare videatur.

§. 29.

Ex uteri passione si oriatur motus cordis præternaturalis & inordinatus, omnis labor atque opera dirigenda eo venit, ut insultus isti hysterici, quamprimum id fieri possit, cito, compescantur, quibus cessantibus & reliquus morbi cursus facillimè superatur. Proinde hysterica unicum ac præsentissimum hic ferunt auxilium, castoreum nempe, & exindè parata essentia, liquor C. C. succinat. unicorn. ver. succin. & $\frac{1}{2}$ ℥ij , quibus opium si placet sociari poterit.

§. 30.

Renum culpa si accadat ut in consensum rapiatur ipsum cor, & errores in motu sustineat enormes, considerandum an calculus occupet tubulos renales, atque dolorem istis atrocem inferat, à quo simul cor afficitur. Huic opponuntur vulgo remedia omnis generis diuretica, quæ urinam pellendo calculum juxta remonent; ast felicius hunc effectum sperare quis poterit, si & ea non neglexerit, quæ dolorem istum acerbissimum compescere aut saltem mitigare valent.

§. 31.

Frequentius autem ventriculus malè constitutus occasionem præbet huic malo, quatenus pravis sæpenumero humoribus redundat, qui nunc rodendo aut alia quacunque ratione dolorem ei molestum afferunt. Hunc itaque dolorem nervi illico ad cor transferunt, illumque motus statim anomalus & valdè perturbatus sequitur. Malum autem hoc extirpant radicitus pro circumstantiarum ratione nunc vomitoria & purgantia fortiora, nunc alterantia, lap. \mathfrak{G} . ofs. sepia $\circ\circ$ \mathfrak{F} per deliq.

§. 32.

Cumque ira & terror eundem sæpenumero producant effectum, idcirco svaderem, ut quilibet suos comprimere affectus sibi que temperare ab animi pathematibus posset, omnemque ita occasionem sibi præscinderet, qua ad ejusmodi excursions deduci facilè permitteretur. Attamen quoniam paucissimi id ipsum attendunt, ideò etiam non raro in talia prolabuntur vitia, quæ damnum non minus quam periculum minantur, nisi medicus auxiliatrices manus ferat, atque ad tranquillitatem naturam iterum disponat. Quæ verò impetum spirituum sedant sunt anodyna, Δ a imprimis metallica, inter quæ eminet \mathfrak{F} diaph. quem adeo extollit *Helmont.* ut hunc solum intentioni cuivis medici promptè satisfacere afferat. In cujus defectu opiata cum alias contra iram vel terrorem usitatis oc. \mathfrak{G} . unicorn. ver. corall. rubr. præscribi possunt.

§. 33.

Quantitas sanguinis ubi excedit, opera danda, ut eadem imminuatur. Obtinemus equidem hunc effectum si cibum potumque ægro aliquandiu interdiciamus aut tenuiorem saltem victum ei imperemus. Ast cum non
omnes

omnes famem diutius tolerant, aut parcius tantum vivunt, melius procedet negotium si magis præsentaneum suppeditemus consilium. Præstat autem id ipsum optimè Venæsectio aut cucurbitulæ scarificatæ in ejus locum substitutæ. Sed cum alia adhuc sint, quæ præter cibum lautiores potumque magis strenuum sanguinis copiam notabiliter augment, propterea & ea attendi merentur, ne fomes atque radix morbi intacta relinquatur.

§. 34.

Videlicet ubi à mensium suppressione aut hæmorrhoidum fluxu impedito incrementum patitur sanguis, adeoque ejusdem pondus accrescit, id agendum, ut obstructions tollantur, & sic liberior sanguini transitus concedatur, quo facto postmodum natura spontè sese exoneret, abundantemque sanguinis copiam liberè deponat. Idem esto judicium de sero sanguinis, si ejusdem secretio cohibeatur per renes atque fluxus ordinarius hac ratione impediatur. Ab hoc enim si cumuletur moles sanguinis, omne studium erit impendendum, ut ☐ fluxus per diuretica potentiora concitetur & serum extra corpus eliminetur.

§. 35.

Præterea in febribus ardentibus, ubi motus viget spirituum concitator, eandem fermè sanguinis copiam ostendere videntur vasa, quam alias in Plethora vera ubique notare licet. Verum cum non tam sanguinis quantitas hic peccet, quam æstus spirituum quem motus sanguinis rapidior ac vehementior statim sequitur, propterea quoque ea hic accommodari debent remedia, quæ eundem spirituum fervorem compescere ac sufflaminare possunt. Itaque conveniunt anodyna quævis ac ☉trata, ☉purum, arcan. dupl. plantago, portulaca, semperviv. majus,

jus, semina 4. frigid. majora & quæ æstum alias spirituum extinguere possunt.

§. 36.

Quibus verò ab impuritate sanguinis contingit, ut non modo habitum corporis floridum sibi valdè immutatum sentiant, sed ipsam etiam experiantur pulsus frequentiam & inordinationem, iis optimum est, uti remediis appropriatis, nunc vomitoriis aut purgantibus, si res exigat ac radix morbi in primis viis hospitetur, nunc alterantibus salinis ac terreis, ubi videlicet vitii natura eadem postulet; quibus præmissis stomachica gratiora exhibeantur, quæ labem ventriculo impressam corrigant, digestionisque negotium iterum restituant.

§. 37.

Pertinent huc, qui à scorbuto idem malum patiuntur, ac sanè frequentissimum iis hoc est, si aliquali saltem accedente motu corpus leviter incalescat. Hoc igitur in casu, ubi acrimonia sanguinis maximè manifesta conspicitur, illa seligenda sunt medicamenta, quæ aculeos Thoracis acriorum frangere, vimque illorum enervare possunt. Efficiunt id ipsum præter Vea glutinosa quævis ac pinguis, Rad. Chin. sarleparill. decoctum C. C. & eboris & quæ sunt similia.

§. 38.

Adversus polypum cordis adeo rara sunt præsidia, ut quanquam penè omnes evolvamus Practicorum libros, nihilum tamen præter morbi historiam de iis traditum aut literis consignatū reperiamus. Nihilominus verò cū per abstinentiam corpora emaciari quotidie videamus, crederem etiam facillimè, per eandem non secus curari hunc posse, quam magnitudo cordis per inediam in subjectis obesioribus absumitur. Quod si vero adhuc recent

recens fuerit malum, resolventia ac incidentia exhiberi poterunt, quæ materiam adiposam in principio statim, ubi nondum adeò compacta existit, attenuent atque iterum dissolvant.

§. 39.

Quæ à vermibus proficiscitur palpitatio, remedia poscit anthelmintica. Plura equidem usu commendatissima sunt contra vermes, ita ut nullum fermè sit remedium acre aut amarum quod non vim suam singularem & specificam in pellendis vermibus una contribuat, sed cum acria ista locum vix commodè servant in cura Palpitationis, eamque non raro exacerbare soleant, seligerem potius Θ ina & ξ ialia, quippe quæ in extingvenda vermium turba omnibus palmam præripiunt. Proinde Θ comm. \mathfrak{F} Θ l. spir. Θ , Θ l. Philos. R. pap. rhæad. cum spirit. Θ l. parat. ξ dulc. hîc erunt sufficientissima.

§. 40.

Reliquum est ut ad Cordis vitia me quoque conferam, quorum plura sese offerunt consideratione haud indigna, inter quæ potissimum excrescentiæ, ossa & calculi notari merentur. Et quanquam de Cura horum maximè simus solliciti, videntur tamen eandem vix admittere, quod auxilia nostra medica horum radicem ne quidem attingant, nedum ut malum penitus auferant. Quocirca melius erit abstinuisse ab eorum curatione, ne, si expectationi minus respondeat eventus, id, quod alias morbo imputandum erat, indignè in medicum conferatur.

§. 41.

Potius ea nunc evolvam, quæ hydropis Pericardii curam concernunt. Atque ista cum haud differant à reliquis hydropum Curationibus nec alia expetit medicamentorum genera, quam quæ experientia in his atque
C
usus

usus comprobavit. Diuretica proindè & purgantia utramque faciunt paginam, quatenus colluviem serosam imminuendo affluxum lymphæ uberiores prohibent. Quoad Paracenthesin, quam *Riolanus in Anat. l. 3. c. 4.* adeo commendat, vix admittendum existimo ejus consilium, quoniam anceps, neque experientia satis confirmatum, emolumenti parum, sed multum periculi promittere videtur.

§. 42.

Ad acrimoniam igitur feri scorbuticam accedo, de qua superius dictum, quod interdum conjuncta cum hydrope Pericardii observetur, tumque causa potissimum Palpitationis Cordis existat. Institutâ autem hac ratione evacuatione sufficienti & adhibitis præterea diureticis pariter & purgantibus, denique videndum, quomodo lymphæ ista acris corrigatur & quantum fieri potest, per appropriata emendetur. Quem in finem non incommodum erit, incrassantia propinare medicamenta ac absorbentia, quæ acrimoniam istam in sanguine & sero manifestam temperent, aut retinent. Priori intentioni egregie satisfaciunt tragacanth. Thus, benzoë, mastich. &c. Posteriori terrea quævis ac alia, oc. ϕ . ∇ sigill. Corall. mater perlar. Unicorn. & os de Corde Cervi.

§. 43.

Quod si palpitatio tandem post virium absumptionem degeneret in tremorem, analeptica optatum dabunt effectum. Uti enim alias spirituosæ robur vitale multum augent, spirituumque defectum egregiè restitunt, ita quoque hic omne firmè negotium absolvunt. Commendat autem inter ea præ cæteris *Faber Univers. sap. l. 3. c. 6.* spiritum melissæ, quem ipsemet proficuum observavit. *Hoffmann. Meth. Med. l. 1. c. 12.* spiritum rosar. laudat, ali

alii ▽ fl. citri & namph. multis verbis extollunt. Nec
minoris quoque efficaciae ac virtutis erit ambra ipsa cum
mosch. confect. alkerm. de hyacinth. syr. fl. tunic. &
similia imbecillitatem virium alias egre-
giè juvantia.

SOLI DEO GLORIA.

DUm tuus ingenii foetus jam
prodit, Amice,
Doctaque Doctorum nunc ire
per ora laborat,
En simul ostendis, quanto flagra-
veris æstu,
Ad lustranda Sophum perdoctè
docta reperta:
Hinc Tua Castalides præcingent
tempora lauru,
Decernentque Tuomox præmia
digna labore.

*Clarissimo Dno Doctorando cum voto omnig.
prosperit. hæc adpos.*

P R Æ S E S.
Cum

Cum fera vis venti percurrit viscera terræ,
hinc immota prius visitur ipsa quati.
Quando peregrinus vapor cor impetit, undæ
stagnant, & motu subsilit inde suo.

Dum motum hunc pravum tollis, cor flamma se-
renat,

Te verò claro murice hygæa beat.

*Honori meritissimo ex animo
applaudo*

Georg. Wolffg. Wedelius D.

DAt cunas *Pomerania*; sed mentem imbuit
arte

Lipsia: nunc studiis præmia *Fena* parat.

*Honoribus optimè meritis
Nob. & CL. Dni Doctorandi HILLII, Amici
pl. honorandi pos. hæc*

Augustinus Henr. Faschius,
D. P. P.

